

Til våre produsentar.

09.08.11

Det nærmar seg ein ny fruktsesong og mengdene i år ser ut til å vera ujamne avlingar rundt om. Totalt reknar me med avlingar omtrent som i fjor.

Bringebær

Konsumbær skal i år leverast i 300g korg og 12 korgar pr. kasse. Industribær skal i år frysast inn i Lærdal. Sognefrukt har stengt fryseanlegget og har inngått avtale med Lærdal Grønt om tapping og innfrysing der. Mottaket vert på Sognefrukt men på oppsida der plommemottaket er. Prisen på industribæra er 29,- kr pr kg med frådrag av omkostningar til mottak frakt og pakking. Truleg ca 5,- kr pr kg.

Det har komme klage frå industrien om funn av stikkar, hamsar, blad, og veps. Dette må me ta på alvor. Me kan plutselig få kontroll på lager og ute i felta.

I regnvêr har mange eit stort problem med boasniglar i hagane, her må me passa på å ha lokk på konteinaren, og konteinaren skal ikkje ha kontakt med bakken. Ein snigel i bæra kan få alvorlege konsekvensar.

Når haustinga startar skal sprøyteskjema leverast inn til lageret i utfylt stand av alle som ikkje brukar fruktprogrammet til å registrera sprøytinga.

Sprøyting med ulovlige midlar, kan føre til at heile produksjonen kan gå i vasken.

Veten og Glenn Ample skal leverast i kvar sin konteinar.

Opningstider for levering av bær.

Kvardagar frå kl 0730 – 1530. Levering utanom opningstider må avtalast særskilt med fruktlageret.

Moreller

Moreller skal i år som i fjor **ikkje** pakkast heime. Dei skal leverast til Sognefrukt i lausvekt og hausteemballasje vert ordna. Sortering og pakking vil skje på Lærdal Grønt sitt anlegg. I avtalen med LG held dei egna hausteemballasje. Dei kan de tinga med fruktprogrammet eller ved å ringja lageret. Ver nøyen med kvaliteten som vert levert.

Sognefrukt leiger transport til Lærdal og det vert ikkje høve til å levera direkte på bilen.

Morellene skal inn på kjøll og leverast samla frå Sognefrukt.

Plommer

Plommer skal leverast i lausvekt til lageret i ifco 6413 kasse. Det er same kasse som tidligare. Ca 12 kg pr kasse og ikkje så fulle at det vert klemskade. Alle minstestørrelsane står på etiketten med unntak av opal. Der er minstestørrelse endra til 37mm(står 38 på etiketten). Me kjem til å køyra ut hausteemballasje som tidligare. Hausteemballasjen må tingast gjennom fruktprogrammet eller ved å kontakta lageret.

I plommesesongen vil det vera utvida opningstider.

Laurdag frå 1430 - 1530

Kvardagar frå 1930 - 2000 etter avtale. (må gi beskjed innan kl 1500)

Det vil også verta oppretta køyrerute på kveldstid. Den startar frå lageret kl 1900. Innmelding for kveldsrute innan kl 1500 same dag. Innmelding for dagruta innan kl 1000.

I Balestrand har me avtale med lageret om at de set plommene inn på kjøll slik me hadde det i fjor. Me hentar kvar morgon. Det som vert sett inn der må også innmeldast slik at me veit kor mykje som skal hentast. Kvar levering må setjast samla på ein pall og berre ein sort på pallen.

Emballasje blir køyrt direkte ut til Dykk. Elles vil me ha eit emballasjelager på Balestrand fruktlager.

Der vil det liggja liste som de fører på tal kassar de reiser med.

Den kvite føljeseddelen legg de i mappe utanfor kjølerommet og den gule kan de leggja i den kassen som står øvst på pallen. Hugs at føljeseddelnummer skal skrivast på kvar kasseetikett.

Pærer

Det ser ikkje ut til å bli så store avlingar av pære i år. Vi har fått opning i Bama for levering av Molkte og Philip dette året og. Det er siste året dei tek imot dei sortane.

Det betyr at alle pærene i år må sorterast på lageret. Det meste vil verta pakka i korg og dei største i 2-lags brett.

Eple

Eple er det noko ujamne mengder med forskjell mellom hagane. Særleg Discovery, R.Gravenstein og Summerred er ujamt mens Aroma ser ut til å få litt betre avling .

Sorteringane vert som i fjor. Tidligeple vert 60/65 pakka i korg og større i 2-lags brett. Seine sortar skal minste epla i år pakkast i 1 kg posar. Største epla skal pakkast i brett. Discovery og R. Aroma skal 68 – 76 mm pakkast i 6 pack. For Kronprins vil alt verta pakka i pose.

Fruktlageret set som krav at det blir sprøytt mot kjølelagersopp på sortar som skal langtidslagrast.

Skjema for dokumentert produksjon skal som tidligare returnerast til fruktlageret i utfylt stand etter sprøytinga er avslutta. Dei som fører sprøyteskjema i dataprogrammet slepp dette.

Det blir same innleveringsboka som de hadde i fjor. Ved utfylling av følgjebrev skal det berre vera ein sort pr. følgjebrev.

Innmeldingsrutinane vert noko endra i år. Det skal i år meldast inn tysdag for mengde av kvar sort som er forventast levering for måndag til fredag veka etter. Dette gjeld for plommer og tidligeple.

Vi lagar ein eigen rettleiar for innmelding i fruktklienten. Dei som ikkje brukar fruktklienten må gi melding til lageret på anna måte med same informasjon og same tidsfrist.

I all innmelding skal det no oppgivast leveringsnummer. Det betyr i praksis at følgjebrev må utfyllast før partiet vert meldt inn. I tillegg må vi ha god merking av alle kassar.

For plommekassar skal leveringsnummer skrivast på etikettane på alle kassar. Dette for å effektivisera vårt arbeid ved flowpakking.

For eple og pære skal alle kassar vera merka med eit A4 ark lagt i plast oppi kassen. Det skal innehalda produsentnummer/ namn, sort, dato, leveringsnummer og antal kassar på dette leveringsnummer. Dei som melder inn via fruktprogrammet kan skriva ut merkelappane der, og vil då få eit ark for kvar kasse som er innmeldt. For dei som ikkje har høve til å skriva ut vil vi kopiera opp ark som de kan få utlevert ved å kontakta sjåfør ved levering.

Ha ein god frukthøst.